



Ս. ՍՏԵՓԱՆՈՍԻ ՏՈՆԸ ԵՎ ՍԱՐԿԱՎԱԳՆԵՐԻ ԶԵՌՆԱԴՐՈՒԹՅՈՒՆ ՄԱՅՐ ԱԹՈՐՈՒՄ

Դեկտեմբերի 24-ին, ուրբաթ օրը, երեկոյան ժամերգությունից հետո, Մայր տաճարում կատարվում է ս. Ստեփանոս նախավկայի տոնի նախատոնակը:

Նախատոնակի ավարտին Մայր տաճարի լուսարարապետ տ. Հուսիկ եպս. Սանթրույանը դպրության չորս աստիճաններ է շնորհում հոգևոր ճեմարանի Գ դասարանի ինն ուսանողների, ուրար կրելու իրավունք՝ Ա լսարանի ութ ուսանողների, հուսկ հետո՝ Գ լսարանի երկու ուսանողների և մեկ քահանայացուի՝ կիսասարկավագության աստիճան:

Դեկտեմբերի 25-ին, շաբաթ օրը, «Տօն է սրբոյն Ստեփանոսի նախավկային եւ առաջին մարտիրոսին»:

Արդեն ավանդություն դարձած ս. Ստեփանոսի տոնը Հայաստանյայց եկեղեցու և դպրեվանքների մեջ համարվում է սարկավագաց տոն: Առավոտյան ժամերգության ընթացքին վեհ ու տպավորիչ հնչում են «Այսօր դասը» և «Ստեփանոս քաղցրիկ տատրակ» տաղերը, որ կատարում են սարկավագները:

Ժամը 10.30-ին սկսվում է ս. պատարագը: Պատարագիչն է հոգևոր ճեմարանի տեսուչ տ. Հովհաննես ավագ քհն. Մարությանը:

Ծառց գրքի ընթերցումից հետո սկսվում է սարկավագական ձեռնադրությունը: Տ.

Հուսիկ եպս. Սանթրույանը, Ամենայն Հայոց Վեհափառ Հայրապետի քարեհաճ կարգադրությամբ, սարկավագական աստիճան է շնորհում Գ լսարանի կիսասարկավագ ուսանողներ Բյուզանդ Գալայջյանին, Գրիգոր Հաճյանին և ապա քահանայացու Գեվորգ Զելվեյանին:

Խարտավիլյակի պաշտոնը կատարում էր տ. Հակոբ աթղ. Գլընճյանը:

Ձեռնադրության հանդիսությունը կատարվում է ըստ Ձեռնադրության Մաշտոցի՝ համապատասխան շարականներով ոգեկոչելով «Աստուածային եւ երկնային շնորհ, որ միշտ լնու զպէտս սրբոյ սպասատրութեան առաքելական եկեղեցոյ, կոչէ զնոսա ի դպրութենէ ի սարկավագութիւն ըստ վկայութեան անձանց իրեանց և ամենայն ժողովրդեան»:

Այնուհետև ձեռնադրիչ սրբազան խրատական ոգով հոգեշունչ քարոզ է խոսում՝ քննարկ ունենալով «Երանի է ձեզ՝ յորժամ նախատիցեն զձեզ և հալածեացեն և սպիցեն զամենայն քան չար զձեցե տոտ՝ վասն իմ» (Մատթ. Ե 11):

Հավարտ ս. պատարագի, Հուսիկ եպիսկոպոսի գլխավորությամբ, Մայր Աթոռի բոլոր սարկավագական խումբը (թվով 11) գնում է Վեհարան՝ ստանալու Հայոց Վեհափառ Հայրապետի հայրական օրհնությունն ու պատգամը:

Նման առիթներին Հայոց Վեհափառ Հոր սիրտը ուրախության թրթռուներ է ապրում, վասնզի նոր մշակներ են հասունանում հայ հավատավոր հոգիների անդաստանը հերկելու:

Վեհափառ Հայրապետը ջերմորեն է ընդունում Իր հոգևոր զավակներին և հատկապես՝ նորընծաներին, շնորհավորում նրանց տունը և երկնային շնորհ հայցում նրանց հոգու զորացման ու արիության համար, բարեմաղթում, որ նրանք լցվեն ս. Ստեփանոսի ոգով, հավատքով և ներողամտությամբ՝ արժանավորապես կատարելու համար իրենց հոգևոր սպասավորությունը Հայաստանյայց եկեղեցուն և հայ ժողովրդին:

Այնուհետև, ժամը 14.30-ին, վանական սեղանատանը, սարկավագաց տոնի առթիվ, տրվում է ճաշկերույթ, որին մասնակցում են Մայր Աթոռի միաբանությունը, հոգեվոր ճեմարանի դասախոսական կազմը և ուսանողությունը: Ծաշկերույթի ժամանակ սարկավագների տունը շնորհավորում է ճեմարանի դասախոս և «Էջմիածին» ամսագրի խմբագիր Արթուր Հատիտյանը:

Նորընծա սարկավագների անունից Վեհափառ Հայրապետին, տեսչական ու դասախոսական կազմին ողջված երախտագիտական ջերմ խոսքով հանդես եկավ Բյուզանդ սարկավագ Գալաշյանը:

Ս. Ստեփանոսի տոնի առթիվ ձեռնադրված սարկավագներն են.

ա.—**Բյուզանդ սրկ. Գալաշյան:** Ծնվել է 1957-ին Բելրություն: Սովորել է «Հովակիմյան-Մանուկյան» երկրորդական վարժարանում: Հոգևոր ճեմարան է ընդունվել 1973 թվականին:

բ.—**Գրիգոր սրկ. Հաճյան:** Ծնվել է 1957-ին Տրիպոլիում (Լիբանան): Նախ սովորել է «Նուպար-Խրիմյան» նախակրթարանում և ապա «Փարահ-Անտոն» արաբական երկրորդական վարժարանում, որն ավարտել է 1973-ին: Նույն թվականին էլ ընդունվել է հոգևոր ճեմարան:

գ.—**Գևորգ սրկ. Զելվեյան:** Ծնվել է 1950-ին Նիկողիայում (Կիպրոս): Միջնակարգ դպրոցն ավարտել է Լեմհանականում 1969-ին: 1976-ին եկել է Մայր Աթոռ միամյա քահանայական կուրսեր անցկացնելու համար:

Ուրար կրելու իրավունք ստացան Ա լսարանի հետևյալ սաները. Ավետիքյան Վաչագան, Դիշիքըրըջյան Մկրտիչ, Խարազյան Խաչիկ, Ծլուկյան Արա, Պալըզյան Հովսեփ, Սահրադյան Տիգրան, Տերտերյան Վահրամ, Օղլուկյան Հրաչ:

Գպրության չորս աստիճաններ ստացան Գ դասարանի հետևյալ սաները. Ավագյան Վարդգես, Գարգալաջն Գագիկ, Գրիգորյան Հովհաննես, Դավթյան Ստեփան, Հակոբյան Վրամշապուհ, Մալյան Բորիս, Մանդալյան Ազատ և Գյուլեզյան Օհիկ:

